

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinski načelnik

Broj: 01-11-1294/2024
Datum: 05.11.2024.godine

PREDMET: Obavještenje o rezultatu javne nabavke

Na osnovu člana 71. Zakona o javnim nabavkama („Službeni glasnik BiH, broj: 39/14, 59/22 i 50/24), obavještavamo Vas da je u predmetu javne nabavke „Opremanje struktura civilne zaštite – nabavka rabljene autocisterne“ donešena Odluka o izboru ponuđača „ENIKS-NERI“ d.o.o. Sapna.

Ponuda ponuđača „ENIKS-NERI“ d.o.o. Sapna broj: 07-10/24 od 25.10.2024. godine zaprimljena je u općini Sapna pod brojem: 01-11-1820/2024 dana 28.10.2024. godine. Cijena ponude za predmetnu javnu nabavku bez PDV-a iznosi: **90.000,00 KM** (slovima:devedesethiljada i 00/100 konvertibilnih maraka). PDV po stopi od 17% iznosi **15.300,00 KM** (slovima:petnaesthiljadatristotine i 00/100 konvertibilnih maraka). Ukupna cijena sa uračunatim PDV-om iznosi **105.300,00 KM** (slovima: stopethiljadatristotine i 00/100 konvertibilnih maraka).

Prilog:

-Odluka o izboru najpovoljnijeg ponuđača

Dostavljeno:

1. „ENIKS-NERI“ d.o.o. Sapna.
2. Na web stranicu općine sapna
3. a/a



Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinski načelnik

Broj: 01-11-1294/2024
Datum: 05.11.2024.godine

Na osnovu člana 64. stav 1. tačka b), člana 70. stav. 1., 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), člana 41. Statuta Općine Sapna („Službeni glasnik Općine Sapna“, broj: 6/07,8/09 i 3/12), a na Preporuku Komisije za javnu nabavku broj: 01-11-1301/2024 od 29.10.2024. godine, Općinski načelnik općine Sapna d o n o s i

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za izbor najpovoljnijeg ponuđača, broj 01-11-1294/2024 od 29.10.2024. godine da se ugovor za „Opremanje struktura civilne zaštite – nabavka rabljene autocisterne“ dodjeli ponuđaču „ENIKS-NERI“ d.o.o. Sapna. Ponuda ponuđača „ENIKS-NERI“ d.o.o. Sapna broj: 07-10/24 od 25.10.2024. godine zaprimljena je u općini Sapna pod brojem: 01-11-1820/2024 dana 28.10.2024. godine. Cijena ponude za predmetnu javnu nabavku bez PDV-a iznosi: **90.000,00 KM** (slovima: devedeset hiljada i 00/100 konvertibilnih maraka). PDV po stopi od 17% iznosi **15.300,00 KM** (slovima: petnaest hiljadatristotine i 00/100 konvertibilnih maraka). Ukupna cijena sa uračunatim PDV-om iznosi **105.300,00 KM** (slovima: stopet hiljadatristotine i 00/100 konvertibilnih maraka). U postupku javne nabavke učestvovao je samo jedan ponuđač, i to: „ENIKS-NERI“ d.o.o. Sapna

Član 2.

Prijedlog ugovora o nabavci dostavit će se na potpis izabranom ponuđaču „ENIKS-NERI“ d.o.o. Sapna.

Član 3.

Ova odluka objavit će se na web stranici www.opcinasapna.ba istovremeno sa upućivanjem iste svim ponuđačima koji su učestvovali u postupku javne nabavke, u skladu sa članom 70. stav 6. i 71. stav 2. Zakona o javnim nabavkama Bosne i Hercegovine.

Član 4.

Za izvršenje ove odluke zadužuje se Služba civilne zaštite.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke roba „Opremanje struktura civilne zaštite – nabavka rabljene autocisterne“ broj: 01-11-1294/2024 od 19.07.2024. godine. Javna nabavka je provedena putem otvorenog postupka. Obavještenje o nabavci broj: 606-1-1-72-3-46/24 objavljeno je na portalu javnih nabavki dana 19.07.2024. godine zajedno sa tenderskom dokumentacijom ispravka obavještenja o nabavci broj: 606-1-1-72-8-71/24 objavljena je dana 17.10.2024. godine. Procijenjena vrijednost javne nabavke bez PDV-a je: 91.453,00 KM (slovima: devedesetjednu hiljadu četiristotine pedeset tri i 00/100 konvertibilnih maraka). Tendersku dokumentaciju sa Portala javnih nabavki preuzelo je 7 (sedam) ponuđača, a izmjenu tenderske dokumentacije 5 (pet) ponuđača među kojima je i ponuđač „ENIKS-NERI“ d.o.o.

Sapna. Komisija je dostavila Općinskom načelniku Zapisnik o zaprimanju ponuda, Zapisnik o otvaranju ponuda, Zapisnik o ocjeni ponuda, Preporuku Komisije za izbor najpovoljnijeg ponuđača, Prijedlog Odluke o izboru ponuđača i Izvještaj o radu komisije. Prema dostavljenoj dokumentaciji utvrđeno je slijedeće:

-da je blagovremeno zaprimljena ponuda od strane jednog ponuđača i to: „ENIKS-NERI“ d.o.o. Sapna.

-da ponuda ispunjava kriterije tražene u tenderskoj dokumentaciji,
-da je prema Preporuci Komisije za javnu nabavku ponuda puđača „ENIKS-NERI“ d.o.o. Sapna najpovoljnija po ugovorni organ.

Uvidom u priloženu dokumentaciju, utvrđeno je da je ponuda ponuđača „ENIKS-NERI“ d.o.o. Sapna u skladu sa uslovima i kriterijima utvrđenim u tenderskoj dokumentaciji za ovaj postupak. Općinski načelnik u postupku donošenja ove Odluke nije našao nepravilnosti niti propuste u radu, koji bi eventualno bili osnov za neprihvatanje Preporuke Komisije. Ocijenjeno je, da je Komisija u svemu pravilno postupila, te je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz svega naprijed navedenog, primjenom člana 64. stav 1, tačka b) Zakona o javnim nabavkama BiH, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa. Žalba se podnosi u roku od deset dana od dana prijema ove odluke, direktno ili preporučenom poštom na adresu: Općina Sapna, Ul. 206. Viteške brigade bb, 75411 Sapna. Žalba se podnosi u najmanje 3 (tri) primjerka. Visina takse za žalbu propisana je članom 108. Zakona o javnim nabavkama BiH.

Dostavljeno:

1. „ENIKS-NERI“ d.o.o. Sapna.
2. Na web stranicu općine sapna
3. a/a

OPĆINSKI NAČELNIK

Zudin Mahmutović

